

# UMUKWE TU



40c


No. 22

ISBN 0-620-06828-0

## 20,000 VA DIDILIKWA TAVA FI ONDJALA MOMAONGALO


Eindilo la ELCIN kovafita vOngeliki ei ku konakonwe ovo ve li monghalo yondjala momaongalo, ola nyamukulwa nomuvalu wovanhu 20,000. Otashi dulika omayovi mahapu taa ka wedelwa natango komuvalu ou.

Elelongeleki ola indila ovakriste momaongalo va ninge ashishe osho tava dulu paenghono davo, okumonena ova-findjala ovo oikulya. Ashike Elelongeleki ola fiila yo ombelewangeleki li kuwe onghuwo yondjala kOngongahangano yOvakwaluther mounyuni, opo ehangan-ano olo li tale eshi tali dulu okuningapo kombinga yondjala muNamibia.



Iihupe yiikulya oho tilehi nenge oho gandja kiingulu yoye? Ope na nguka te ku ligamene koshipala kee na sha shokulya.

Uunona methano kolulyo, ou li poshiyaha oshinene shiikulya notau monika wa paluka nawa. Owomegongalo lyEmbaxu. Okanona methano kolumoho otaka ligamene ngele ku na tuu omusihenda e ka pe sha okulya



## MEHOGOLOLO LYAAMERIKA

Ngoka ta ka kuutumba koshipundi shuupresidende waAmerika muJanuali 1989, Aanamibia oya hala a ka holole mpoka pwa holekwa oshipatululo kuReagan na SA. opo a patulule omakumba ngoka ga patela kumwe Namibia na-Angola, osho wo Namibia na SA. Ugumwe nuukumwe wevi lyaNamibia nau simanekwe, osho Aanamibia taa igidha kuuyuni.

NOVOMBA 30, 1988

## Linima ngele tayi dhigupala, Ongeleki ayike ya tegelelwa yi gandje ekwatho

Sho taku longekidhwa muuyuni pethimbo ndika emanguluko lyaNamibia, omapangelo gilongo, naunene Ehanganano ekondjelimanguluko lya-SWAPO yaNamibia oye shi tala shu uka ngele Ongeleki tadhi kutha oshitopolwa shokugalula Aanamibia mboka ya kala muupongekwa. Ongongahanganano yaAakwaluther muuyuni (LWF), oyo ya pewa oshimpwiyu shoka yi shi ninge noye shi taamba.

Osha yela wo kutya Ongongahanganano aantu mboka itayi ya galula tayi ya hukulile miikaha yepangelo nenge yongundu yontumba yopapolitika, ihe otayi ya gandja ngaa kOngeleki meni lyoshilongo. Unene Ongeleki ya ELCIN, omolwowindji wiilyo yayo mbyoka yi na okugaluka.

Sha fala omadhiladhilo mpoka gi ipule naangoka e na okugaluka aazona naakulukadhi, aasamane, aandjangandjele niilema, omuntu kehe ou shi uvite ko. Aantu mboka oya zile muNamibia ontuku yomahepeko gopaukoloni. Yamwe oya thigile po omalongekidho gowina oku ya etela oshiponga.

Ngashingeyi aantu mboka otaa shuna moshilongo tuu shoka, moka omuniita nayo e li mo natango. Muumbanda wawo oya pumbwa ano gulwe ngoka te ya taamba noku shi oku ya shilipaleka melunduluko lyombili ndjoka tayi etwa po. Ngoka to opalele okwiinekelelwa ompito ndjoka tayi pula oshili nuuyuuki, Ongeleki ayike.

Oshili, uuyuuki nepopilo lyuuthemba womuntu kehe, oyi na okupangela mumboka taa yakula metaambathano ndika. Egamombinga, uusimauki nomakotokelo ngele otayi holoka, otayi vala ashike omikundu omipe omidhigu moomwenyo dhaamboka ya yuulukwa shili egameno. Aasita yomagongalo nomalelogongalo megongalo kehe, osha simana unene ngele taga longekidha etaa-mbo ndika kiilyo yegongalo lyaandjawa. Naashika ando otashi ningwa mekwatathano naashoka Ongeleki tayi shi longekidha omolwegaluko lyoshigwana shoka.

Momutumba gwalyo gwahugunina gweti 25 — 27.10.1988, Elelongeleki lyaELCIN, olya ulika aasita; Asser Lihongo nalpinge K. Shuuya, ya kale mokangundulongekidhi ketaambo lyoonakugaluka. Elelongeleki olya zimina wo omahala gamwe ga ELCIN, ga ka longithwe metaambo ndyoka.

Omolweopalako lyomahala niipalutha, osho wo omayakulo galwe mokati koonakugalukila kegumbo, aawilikingeleki yOngeleki oonkwaLuther muNamibia, oya tuma eindilo kOngongahanganano yaAakwaluther omolwekwatho lyopalmaliwa moshilonga shoka. Oshindji shomakwatho gaashono shi na okuningwa po, naangoka e na oku shi ninga, otashi ka etwa natango poshitaafula okukundathanwa kuungundulongekidhi wegaluko ndika.

Nonando oshe etitha oluhodhi okutumbula, omuntu ou uvite kutya shalongo esiku lyegaluko lya li lyu undulilwa komeho, ando elongekidho lyetaambo lya nyengwa okutsakanithwa pethimbo lyoopala.

Sebulon Ekandjo

## OYE LI MONDJILA OKUGALUKA KEILONGO LYAWO

Kalunga ngele te shi zimine okangundu kayatatu otaka ka thika mOvenduka mEtitano, eti 2.12.1988 nokutsikila ondjila yawo kegumbo kOwambo, okuza kuSoomi. Mbaka oya kala taa ilongo uule woowwedhi 14 muHelsinki, sho ya li ya tumwa kOngeleki yawo onkwaEvangeli paLuther muNamibia (ELCIN).

Mboka ya kala taye ya sile oshimpwiyu oyo: Ehanganano lyopokati lyaaposi (aakoneki) muSoomi nosho wo Ehanganano lyomakwatho gopondje lyOngeleki onkwaEvangeli paLuther muSoomi (Finn Church Aid). Iileshwa yokwiilonga kwawo oyi na sha nokukwatha aaposi.


Petrina Kavungo oku shi ngashingeyi nawalela okulongekidhila aaposi omambo gawo muukasete. Oku shi wo okwiindjipaleka uukasete, onkee aaposi ayehe mboka ye na uukola womawi (Type Recorder) otaa vulu okumona omambo gawo molupe luukasete opo ya pulakene.

okulesha omanyolo goBraille moosikola dhaakoneki mEngela nomEluwa, mOwambo.

Jairus Nepela oku shi okulongitha omashina goBraille gokunyanyangidha noku ga pangela. Haule oye omuposi naNepela omunamemo. Okangundu haka kayatatu oka kala taki ilongo wo okukwatha aaposi, opo omuposi a vule okweenda ye mwene nokatondje ke okatokele, okwiitelekela, okulonga nokwiisila ye mwene oshimpwiyu mokukalamwenyo kwesiku kehe.

Ongeleki ya ELCIN oyi li pokutunga endiki lyaaposi mOniipa. Mendiki otamu ka kala oshinyanga shomundohotola gwomeho, oshinyanyangidho shomanyolo goshiposi, oshinyanga shokukwata omawi omolwokutula omambo momawi nosho wo ehala moka aaposi aakuluntu naanona taa dheulwa pamwe naavali yawo.

Petrina Kavungo, Gebhard Haule naJairus Nepela otaa ka longa mEndiki ndika uuna lya



Methano ndika Petrina Kavungo ota lesa mOshindonga embo li tulwe mokakasete. Oku li moshinyanga shokukwata omawi mEhanganano lyopokati lyaaposi muHelsinki


Kavungo oku shi wo okutula iifonkundana mewi lyuukasete.

Gebhard Haule naJairus Nepela oya kala taa ilongo pamwe iilonga. Gebhard oku shi okuhogolola shoka sha nyolwa pamukalo gwomanyolo gaaposi (Braille) opo shi nyanyangidhwe. Omuposi oku shi okulesha enyolo lyoBraille nominwe dhe. MuNamibia aakoneki otaa longwa

pu okutungwa. Tse kuSoomi otwa nyanyukwa lela sho twa vulu okugalikanena aakoneki Aanamibia. Otwa gongelele Endiki lyaakoneki Aanamibia iimaliwa opo li vule okutungwa nosho wo omolwoondjambi dhaanashilonga yalyo.

Petrina Kavungo, Gebhard naJairus mokati ko

Tala kep. 8



Haule, gumwe gwomaakoneki oku shi okuhogolola omanyolo gaaposi. Okwi ilongo wo omwaalu gwaaposi. Ngashingeyi ota vulu okulesha nokunyola omanyolo gawo

# OMULUMENTU GWAKALUNGA PETHIMBO LYOMILEMA

Aaisrael sho ya lala evi lyaKaanana, aatondi yawo ye vule ayehe yalwe oyo Aafilisti ya gama kuuninginlukadhi komunkulo gwefuta lyopokati. Oya li aatembukili muKaanana, ihe lya lukwa padhina lyawo Palestina (Filistea).

Aagreka yonale osho ya luku evi alike padhina lyoshigwana shoka sha kala pomunkulo. Aafilisti manga inaa thika puushiinda wa Israel oya kala ngele muAsia eshona nenge koontuntu dhomuGrega. Osho ya lukwa "Oshigwana shomefuta."

Ayehe Aaisrael nAafilisti, sho ya hala okulala evi lyaKaanana, opwe ya oontamanana sigo iita ya tukuka pokati kawo pethimbo lyaatokolihapu. Aaisrael oya sindwa. Omusaseri gwawo Eli okwa kala motempeli yomuSilo, moka mwa pungulilwa oshiketha shehangano nomayambi giipango omulongo.

Iita sho ya geye, aakwiita Aisrael oya kutha oshiketha shehangano motempeli noye shi fala molugodhi. Aantu oya dhiladhila kutya, shaa tuu oshiketha shehangano shi li mokati kawo miita, nena oyo taa ka mona esindano, ye shi tala sha fa oshimenka shawo.

Eitaalo lyawo okwiitaala Kalunga Mbepo osho lya adhika lya shunduka. Ihe oya li ye na okudhimbulula kutya oshiketha itashi ya kwatha sha. Aaisrael oya dhengwa nayi, noshiketha shehangano ye shi kuthwa kaatondi (1 Sam 4). Ombinga onene yoshilongo ya lalwa kAafilisti noshilando shaSilo sha hanagulwa po. Shika osha ningwa wo omumvo 1050 K. i. omuhona omufilisti a tulwa po okufutitha Aaisreal. Uudhigu wa tameke.

Pomathimbo guudhigu otaku pumbiwa oonkondo dhomeni. Ehistoli lyoshigwana itashi pangelwa kehumokomeho, ihe oonkondo dhi li moomwenyo dhaantu yasho. Taku pumbiwa

mboka ye shi ku kaleka oomwenyo dhaantu nokuholola omadhiladhilo gaKalunga. Mokati koothina dhe etwa kAafilisti muIsreal mwa tameke okuholoka aaprofeti.

Mokati komaitaalo ogendji gomuuzilo mwa kala aahunganeke haa hunganeke nokukakuka. Aantu ye ya kuminwa, sho taa ende moongundu tadhi kudhile (1 Sam 10:5 - 6; 10 - 11; 19:20 - 24).

Oyendji yomuyo inaa talwa aaprofeti ya shili, oya talwa ya piyagana. Ihe mokati kAaisrael uuprofeti mbuka tau vala iiyimati iipe. Kalunga keihololo ta tilile moomwenyo dhaaprofeti yashili iiholekwa ye iipe, inayi tseyika nale kaantu. Muuyuni wamapiyagano gAafilisti "omulweti" gwiiholekwa yaKalunga, oye Israel.

Samuel okwa vaelwa muRama, kolundume lwaJerusalem. Momahokololo gomOmbimbeli ohatu uvu nkene yina Hanna e eta okanona ke Samuel motempeli yaKalunga, a putudhilwe miilonga yokulongela Kalunga muuyapuki we muSilo. Uuyapuki wa yina nomusaseli Eli neihololo lyaKalunga mwene, lye mu putudha nokwa kala omuntu gwaKalunga nando Eli a sa, notempeli ya yonwa po kaatondi.

Samuel a shuna kaandjawa nokwa kala nkoka omulumentu gwaKalunga nomutokolihapu, oye ta pukulula aantu noku ya kumagidha noku ya galikanena. Oye ota ti: "One ngele mwa hala okugalukila kuKalunga noomwenyo dheni adhihe, kanduliipo ano iyelekelakalunga iikwiilongo noomwenyo dheni dhi igameke kOmuwa ne mu mu simaneke, opo te mu yulula miikaha yaAafilisti (1 Sam 7:3).

Aaisrael sho ya siuunye momahepeko gAafilisti, Samuel a hwameke moomwenyo dhawo omulilo gwetegameno. Okwa dhimbulutha moomwenyo dhAaisrael uuhitiga weitaalo lyaMoses, uu-

kumwe wawo. Upagani sho wa li pokuninagula eitaalo lyawo li na euvaneko lyuukwashilongo. Eitaalo ngele lya sa, nena oshilongo wo shi na oku ka hula po. Nokumangeleka oshigwana kuKalunga kooyinakulu okwe shi hupithile eitaalo noshilongo. Aluhe Samuel okwe ya ulukile nkene iinima ayihe yi na okutokolwa pahalo lyaKalunga.

Samuel okwa tsakanekwa koshilonga oshinene, sho a ningi omudhiki gwuukwaniilwa. Aakuluntu sho ya vulwa uudhigu wawo wehalakano, oya yi kuSamuel e ya pe omukwaniilwa, "ngaashi miigwana yilwe ye mu na." Sigo oompaka okukala kwaAaisrael kwa kala shili kwi ili lela. Iita yawo oya li "iita yOmuwa", ihe ngaashingei oya lombwele Samuel "Oye omukwaniilwa, na hinge iita yetu kayi shi we "yOmuwa" (1 Sam 8:20).

Aantu ya li ya hala eutho li kale miikaha yawo yene. Samuel a pula tango ehala lyaKalunga, nokwe ya londodha, ihe nando ongeyi oya dhiginine shoka ye shi pula. Osho ngeyi Samuel a gwayeke Saul, omuna gwaKis (1 Sam 9:10) Saul okwa ningi omukwaniilwa lwopomimvo 1020 K. i. Etameko lye olya li ewanawa. Saul okwa li omukwiita nokwa mangulula Aaisrael miikaha yaAafilisti.


Ihe oondjila dhaSaul na Samuel dha topoka mbala. Saul okwe etha okuvulika kuKalunga, nosho ngeyi a kanitha eyambeko lyOmuwa. A nginge muumbanda nomilema, sho a zimine aantu mpoka ya li yaa na okuziminwa. Okwa li a kongo she mwene, sho a kondjitha Aayamalek (1 Sam 15). Ina hanagula po ashije shaatondi ngaashi ompango yiita yu uthile Aaisrael. Ihe eitaalo alihe otali yonuka, omuntu ngele ita vulika kuKalunga, ihe ta landula oondunge dhopantu.

Samuel okwa li ohiya hayi gandja ewi lya yela, okwa yelutha pombanda evuliko lyaa na omateguko: Okuvulika ku vule omayambelondjambo, nokuuva ko ku vule omagadhi goonzi." (1 Sam 15: 28)

Ngaashi Abraham naMoses ya li ye neitaalovuliko, osho wo Samuel naaprofeti taye ya landula. Kalunga oku na okulandulwa oye awike Samuel ine etha onyeka yaKalunga yi dhime, okwe yi humbata ya yela oshikako e shi pewa.

Euthompango lyaSamuel oloyo tuu ndyoka, "Popya Omuwa omuntu gwoye tu uvu ko." Pethimbo lyomilema omutoloki gwelaka lyaKalunga oye tuu ngoka awike e shi kupulakenwa nokutegelela elaka lyOmuwa.

## Angula Deevy Angula



Nepela methano ndika oku shi okulongitha eshina lyokunyanyangidha omanyolo goshi-  
posi. Omashina ngoka te ya a longithe oga zi kuMarburg, Ndowishilanda lyuuningini-  
nino, shimpa tuu Oshinyanyangidho sha pu okutungwa mOniipa

## Imonena omakende gokomeho

Okuza 7 sigo 15.12.1988 mehala lya tseyika nedhina; Central Dispensary, Oshakati popepi nongalash F. M. Garage, puKapapaleni, otapa ka kala omukonakoni gwomeho nota vulu okugandja omakende gokomeho.

Ehala ndyoka oli li pokati kaNambili naAupa.Ngoka u uvite ompumbwe ndjoka, ino etha ompito ndjoka yi ku ende ponto.

## EYONAGULO LYIITA YA SA MOSHIGWANA SHANAMIBIA

Shoka sha yonuka po maantu yoshigwana shaNamibia, omolwiita mbyoka ya kandiwa na South Afrika moshilongo shika omimvo 73 dha zi ko, otashi dhimbululwa unene moombinga ne dhuuntu. Eyonuko lyokolutu; lyomahupilo ge; lyopankalathano osho wo eyonuko lyoondunge nenge lyopamwenyo.

Ekonakono ndika olya zi moshipopwiwa shomulongi Shivute U. Shivute, pethimbo lyomutumba omuti-6 gwoshigongi shaayehe shoraata yOongeleki muNamibia (CCN) nuumvo mOngwediva. Shivute omulongi moskola yokombanda yaShigambo.

Ipopiwa iikwawo iyali yi na sha nomikundu dhethimbo ndika, oya li ye etwa po natango moshigongi shoka noya kundathanwa. Mbika oya li; Ongeleki oshilongitho shokweetitha po uuyuki, ombili neudhililo lyeshito lyaKalunga, she etwa ku dr Paul Isaak, omukuluntu sikola unene sha gumwa shi vule iikwawo yilwe.

Omupopi okwa fatulula wo iita muNamibia nkene yi uvitike ko kAatiligane nokAaluudhe. Okwa ti, pamadhiladhilo gOshiyeyouropa, iita mbika oyo iita yokugamenenapo uuthemba wo-

kangundu komwaalu omushona gwAatiligane. Neyukipalitho lyiita yawo mbika, omupopi okwa ti, olya kankamekelwa ashike komulandu gwoseminali yuusita muPaulinum. Oshikwawo Ongeleki nkene tayi ulike uukumwe wayo naakiintu, she etwa kuEfolo Eva-Liisa Kathindi Amushanga gwEhangano lyaakiintu mo CCN.

Pafatululo lye koshitya 'iita', Shivute okwa ti oyo onkalo yehilathano lya tulwa miilonga. E-kondjithathano nenge oontamanana. Elalakano lyaashoka okwa ti, okuthiminika ongundu ndjoka mwa tondathana nayo, opo wi imangulule muukoloni nenge ou popile oshilongo shamukweni koonkondo dhontumba ndhoka tadhithiminike ombili negameno lyasho.

Oshitya eyonuko, Shivute okwe shi fatulula nomatumbulo taga landula. Eyonuko lyasha shoka tashi nwetha mo sha. Mokuyelitha shika, okwa ti, Aanamibia oyo sha, shoka sha nwethwa mo kusha (iita).

Okwa tsikile a ti, nonando iita mbika muNamibia ya kala moshilongo ashihe, inayi guma aantu ayehe shi thike pamwe. Oku ulike oshitopolwa shokuumbangalantu, kutya osho gwokatongotongo.

Egameno ekwawo lya kwatelelwa kaatiligane

miita mbyoka, okukaleka Namibia oshikandekitho shokwiigamena kiilongo ya mangeluka yaAfrika. Komukalo nguka, SA okwa ningi omushongi gwiita, manga etanga lyiita lya SWAPO, (PLAN) ndyoka ta kondjo nalyo, lya ningi omwiipopili, osho a fatulula.

Ihe omadhiladhilo gaaluudhe, iita yaNamibia otayi talwa shi ili. Oyo iita yemanguluko, tayi lalakanene okuteya po omutungilo gwopaukoloni opo pu holoke eipangelo. Eipangelo olya thikama momutungilo omupe gwopapolotika, pamahupilo nopankalathano, osho omupopi a ti. Nashoka otashi ningwa nelalakano okutunga emanguluko lyaNamibia.

**litopolwa ine yomuntu mbyoka ya yonukile miita**

### 1.Eyonuko lyopalutu

Omupopi okwa tala kutya otashi vulika ombinga ndjika oyo ya yonuka unene yi vule onkwawo. Okwa ti, okuza 1915 omatanga ga SA sho ga tameke okulala lwotango Namibia, omo wo omahindo nomaehameko gopalutu ga tameke mpoka. Opwa ulikwa Aanamibia 100 aalumentu, aakiintu nuunona mboka ya dhipagwa 1922 kondhila ya SA.

Moshiponokela shoka omo mwa sile omuwiliki gwAabondelswart, omusamane Abraham Moris, manga 468 ye ehamekwa noya falwa ko-

**Tala kepanja tali landula**

## ETALELOPO LYOMUMBISOFI DUMENI MOSHILEMBA



**Etsakaneno lyosheendo shomumbisofi megongalo Oshilemba nuumvo ndyoka lya longekidhwa pamukalo gwoshituthi**

Momagongalo gamwe etalelopo lyopau-mbisofi olya fa hali shituka omukundu. Oshimpwiyu ohashi tulwa momausama ngoka omumbisofi ngiika te ya a dhimbulule megongalo, shoka te ya a tye kugo, shoka aakwanegongalo taye ya ya tye komumbisofi kombinga yomusita gwaandjawa. Pethimbo lilwe ohaku ipulwa wo unene naashono omumbisofi naayenda ye taye ya ya lye, mpoka taa lala nosho tuu. Megongalo Oshilemba osha li shi ili.

Moshilemba etalelopo ndyoka olya li ko 28-30.10.1988. Aakwanegongalo oye li taamba nohole noye li ningi oshituthi. Osheendo shomumbisofi osha tsakanekwa kokule negongalo, konyala ookilometa mbali kaagundjuka yegongalo nokaanona yOsikola yOsoondaha. Oya

yelutha omapandela taa imbi uukorasa wa tote-lwa owina etalelopo.

Momapandela omwa li omakundo gomumbisofi. Gamwe gomomatumbulo oga li taga leshwa ngeyi: "Twe ku taamba omumbisofi megongalo Oshilemba." Aagundjuka oye ende ya kwatela oshihauto shaatalelipo komeho, taa ende kolupadhi sigo opegongalo mpoka ongundu ye ende tayi nenepala. Aakulukadhi otaa ligola naagundjuka otaa tanta.

Etalelopo olya li eti 16 miilonga yomatalelopo gomagongalo nuumvo. Omagongalo gatatu; Olukonda, Onyaanya nEwaneno, oga tegelela natango olufo lwago manga iilonga yomumvo inaayi pata.

Mepopitho lye kongundu ndjoka ye ya oku mu taamba, omumbisofi okwe yi dhimbulutha oshikalimo shetalelopo lyomumbisofi kegongalo kutya oshike. Okwa ti okukwathathana moku-koleka eitaalo ndyoka alike tali hupithitha omuntu. "Otwe mu etela elaka lyOmuwa," osho e ya lombwele. Sho e ya laleke nuuyamba, okwa laleke mboka ye na okushuna komagumbo, manga ta tameke iilonga yetalelopo nElelogongalo pamwe nomusita.

Oshilemba egongalo egundjuka mUuninginino, mewiliko lyomusita Hosea Iiyambo. Olya za megongalo Tshandi, ngoka ge lyaathane konyana-

**Taka kep. 9**

ndholongo. "Mpoka opwa li efupipiko lyoshigwana shaNamibia li igalala," omupopi a ti.

Elelo lyopakwiita muNamibia osho lya tsikile okuza kesiku ndyoka sigo 1919, uuna lya tulwa miikaha yaapolosi. Oshigwana sho sha ka tsikila 1966 nokukondjitha omuthiminiki gwasho, omupopi ota ti, oomwenyo odhindji odha kana mwa kwatelelwa ekanitho lyomuCassinga lyomumvo 1978.

Eyonuko lyopalutu, omupopi okwa ti pethimbo ndika oli ilwetikile, sho taku monika oyendji ya lemana noyendji aakwashigwana taa ende muutemba. Owo uumbangi wiita ya SA moshigwana. Ondjala oya thiminika aantu ya ka hakane oondooha dhoola kiilambo yiyagaya yaakwiita, moka oshigwana tashi toola omikithi, po pwaa na esiloshimpwiyu lyuunamiti lya gwana.

Iiponga yimwe ya ndhindhilikwa oyi li ngaashi tashi landula:

— Oshipangelo shaShakati osha ndhindhike iiponga 60 ya etwa ketopo lyooboma 1987

— Mombaanga yaShakati aantu 27 oya si na yalwe ye vule 70 oya ehamekwa.

Natango omwedhi ngoka aantu yahetatu oya dhipagwa miiningwanima ya yooloka, nayalwe 16 ya dhengwa

— Muule woomwedhi mbali netata 9.7. sigo 14.9.1988, ombelewa yuuthemba womuntu mOngwediva, oya ndhindhilika iipotha 141, shi na sha niita. Mbaka okwa tiwa oyamweyamwe ayeke iinima yawo ya taambwa.

— Aantu ye vule 30 ohaa leshwa omadhina gawo aluhe mOmukwetu, ya dhigininwa nenge ya kana okuza 1979 sigo onena.

## 2.Eyonuko lyamaliko

Omupopi mokudhimbukitha shono sha leshelwe moshifonkundana The Namibian 26.8.1988, kutya SA oha longitha iimaliwa oomiliyona R 6 mesiku, okwa ti iimaliwa mbyoka oya li yi na okukwatha Aanamibia pamikalo odhindji. Aanamibia yomayovi kaye na iilonga, noompito dhiilonga ihaye dhi kongelwa. Iimaliwa otayi yi miita, ehokololo lya ti.

Opwa tsikilwa ngeyi kutya molwaashoka aantu oya tongolola ashike kiita, momalelo ogendji giilongo, iimaliwa otayi longithwa nomukalo gwa puka, nosho hashi titha omalelo gomavigumbo ogendji ku tiwe, oga mbangolota. Embangoloto ohali ende pamwe nuundjambi wa nkundipala kaanashilonga yamwe. Nomo wo hamu zi yamwe ya futwe omwaalu omunene, tashi ningilwa pondhipi, Shivute a ti.

Iilanduli yaayihe mbyoka, omupopi okwa ti otayi eta eholokepo lyuungundu mokati kaanilonga lya zile monduge ya Hobbes nohashi fatululwa kuBentham naMill, kutya okulandula mpoka to adha enyanyu nokutyapula onkala mwenyo ya gwanapo nokuyanda uuwehame, osho shi pangele momuntu. Monkalo ndjika aathigona otaa thigonapala manga aayamba taa yambapala omolwewiliko lyiilonga lyaa li malandulathano.

## Eyonuko lyopasosiale nolyopambepo yoondunge

Monkalo ndjoka, omupopi ota ti, oku na

# Vatatu va mangululwa

**Ovalumenhu vatatu; Mateus Mudjanima (41) Windhoek, Mateus Handjaba, Ouhongo naErasmus Haukongo pOmafo, ova mangululwa mo modolongo 25.10.1988, omo va kala eehani 19. Mudjanima ou a shakena nOmukwetu ota ti oku udite ngoo e li xwepo.**

Ovalumenhu aveshe ava vatatu ova kwatelwe melopoto loshiningwanima shoboma oyo ya topele 16.7.1987 mohauto popepi nongeshefa onene Gustav Voigts mOvenduka, e tayi ha-nauna po oihauto ihapu netungo laVoigts.

Mudjanima okwa ti yo kutya ova kala efimbo lile modolongo yaSire omo petameko keshe umwe a kala mouwike pe he na ekwatafano navakwao. "Kape na oshinima shidjuu modolongo shi dulife owike," osho a tumbula nokulietela onghenda.

Inava pitikwa okulesha oifo ngaashi Omukwetu, ashike okwa li ve na epitikilo lokuninga elongelokalunga Oshoondaxa, osho a ti. Elongelokalunga ovanadolongo voovene tave liningile, ihava mono omufita nande.

Xe younona vavali Mudjanima, okwa dimbulukifa eshiivifilo la holokele vati mOmukwetu, kutya Erasmus Haukongo okwa mangululwa. "Haukongo opo ashike hatu manguluka naye ngaha," osho a yelifila ombelewa yOmukwetu. KOmukwetu inatu shiiva eshivifo olo apa la dja, osheshi melandulafano letu inatu kala tu na edina Haukongo.


Pokati opo, Omukwetu okwa kundana kutya ovalumenhu vavali, Paulus Andreas (26)

uunona womayovi mboka wa thigilwa mesiloshimpwiyu lyooyinakulu, ooyina sho ya fadhuka po, ya yi kookamba dhomakakunya. Oku na oothigwa kaadhi shi okuyalulwa naaselekadhi omolwaakuluntu yadho nenge aasamne yawo ya kanena miita, moshilongo shika shaa na oveta nalandulathano.


Uunona wa tya ngeyi, u li ashike meputudho lyooyinakulu, ou na okukoka pamukalo gukambeli. Olye ando e na okuthiminika ooyina yuunona mboka opo ye u lele sigo ethimbo tau vulu okuthigilwa moshimpwiyu shayalwe? omupopi a pula.

Otashi ehameke okudhimbululwa aantu yamwe aawiliki ya simana naanashilonga yoshilongo shika, ihe oya ningi oobotsotso naalongithi yiikolotha sha etwa kiita nokokwaa na iilonga.

Omupopi okwa tsikile ta ti, pethimbo ndika, uunona owa tameke okutaamba komukalo omwiinayi onkalo ndjoka inaa hala mo. Owi iningile oondjembo dhiiti okusosa nandho



**Omulongi Shivute U. Shivute**



**Mateus Mudjanima kolulyo ta minikwa kondenge yaye Paulus eshi a alukila keumbo.**

naStefanus Nghifikwa (40) ova holokele oshikando oshitivali momhangu mOvenduka, petameko lohani ei.

Nghifikwa ou naye a kwatelwe 22.7.1987 mEngela ota pangulilwa oshinima shoboma oyo ya topele moshihauto mOvenduka. Paulus Andreas, omukwaita waSWAPO naye ota pangulilwa oshinima osho tuu osho.

yakwawo nopoompito dhimwe, ohau tilitha nadho aakuluntu yawo.

Pauelele mbuka ehokololo otali tsikile kutya osho iita ya lundululile oondunge dhuunona mohole yiita, onkalo ndjoka yi li oshiponga oshinene monakuyiwa. Kombinga yaakuluntu, onkalo ndjika ohaye yi mwenene owala ya tyololoka, yaa na we sha shokutya kuyo.

## Eyonuko lyeputudho moosikola

Eyonuko lyopalongo moosikola, otashi ulikwa unene komumvo gwonumvo, nkene elongo lye ehamekwa kiita. Ookamba dhaakwiita hangaashi miilongo yilwe, moshilongo shetu, odhe etwa poosikola, odha kutha po iilonga yaapolosi nosha ningitha naanaa oshilongo shi kale tashi lelwa kaakwiita, omolwiinima tayi landula:

1.Okuningulula omadhiladhilo nombepo yuunona opo u taambe ko aakwiita.

2.Okulikola nokukwata omitima dhaanona manga aashona.


3.Noku imba aanona yaa kundathane iinima mbyoka tayi ya tungu.

Mehulitho lyoshipopipiwa shoka, omulongi Shivute okwa pula ngele ethimbo olya piti tuu, kombinga yaalongi, yaasita, aapangi naavali yaa wape we okuputudha oluvalo lwawo nanando onkalo osho yi li ngaashi shu ulikwa. "Ongeleki ayike ya thigala po tayi vulu natango okupulakena nokuninga ooprograma dhokukwatha oshigwana. Tu longitheni ano tango okathimbo hoka tu na," osho a indile aapulakeni.

## Sebulon Ekandjo

# Shoka SWAPO a ti otashi ka ningwa mepangelo lye

ayehe taa dhimbulula ompumbwe ndjoka.



Omupresidende gwaSWAPO,  
dr S. Nujoma

## Etaambathanoko moshilongo

Epulo nkene taku ningwa etaambathanoko moshigwana, omusamane Hidipo Hamutenya, okwa ti kutya omayooloko ekota lyago oli li unene muumwene womaliko, ihe onawa sho

Kombinga yomakakunya omusamane Nujoma okwa ti, SWAPO ota ka kala e na oshimpwiyu shoku ga tonatela ngaashi aakwashigwana yalwe taa ningilwa. Oge na okuputudhwa nokuyogwa muuluwi sigo ga ningi aakwashigwana ye shi okulongithwa, osho omupresidende Nujoma a ti.

## Emanguluko

Sho a pulwa kombinga yuudemokooli mboka ta dhiladhila, omusamane Nujoma okwa ti, shono

**Amushanga gwoshifonkundana The Time of Namibia, Jean Sutherland, okwa yile wo koshigongi shuukumwe shaawiliki yaNamibia yoongundu dhi ili nodhi ili muLusaka omwedhi gwa yi. Mokugaluka kwe okwa nyola shoka a pulakene momakana gaawiliki yoSWAPO, sho taa fatulula shoka tashi ka ningwa kepangelo lyawo, ngele evi lya manguluka. Iinima yimwe otayi landula mpaka.**

shi na oshilonga kwaayihe emanguluko. Emanguluko lyopapolitika neipangelo. Shoka otashi ti Aanamibia ayehe otaa ka longitha uuthemba wawo.

## Domina

Epulo lyomaliko goomina olya holokele po. Ndika Nujoma okwe li yamukula kutya opwa pumbiwa ekonakono tango lyopaunongononi ndyoka ngele lya ningwa, oshizemo shalyo tashi gandjwa ihe komutumba gwaayehe gwepangelo, okukundathanwa.

Ngele sha kundathanwa, omupresidende gwa-SWAPO okwa ti, etokolo otali ningwa ihe lya

kwatelela mo uuwanawa wAanamibia ayehe. Amushanga gwiikwapondje moSWAPO, omusamane Ben Gurirab okwa gwedha ko keyamukulo lyoomina, a ti kutya, ngele oomina odha monenwa eyamukulo, tashi landula ko omapya ku talike nkene ge na okulongithwa.

## Egamenyo lyopaveta

Omuwiliki gwoshiputudhilo shAanamibia moLusaka, omusamane Hage Geingob, okwa yamukula epulo yegamenyo lyopaveta nkene tali ka longithwa mepangelo lyaSWAPO. Okwa ti, omithigululwakalo nehstoli, mbika otayi ka dhimbulukiwa tango, uuna taku ipulwa negamenyo lyomuntu kehe paumwene we.

Okwa gedha ko kutya omaycoloko gamwe oge ndji gomugo oge etwa po owala kaantu yoyene.


## Onkalo mu SA nena

Mu SA omainyengo gopapolitika omanene ngaashi gomuNamibia. Okatongotongo otaka li taka lumata, noshigwana kashi na ombili. Okuza muFebuluali nuumvo omahangano 21 taga kondjitha uuvu wotangotongo oga mwene kwa nenge oga ngambekwa, pahokololo lyokomisi yuuthemba womuntu moshilongo shoka. Omahangano gaali gomugo ga mwene kwa omwedhi gwa zi ko petameko ogo; So-weto Students Congress (SOSCO) naAfrican Coordinating Committee (AZACCO).

Payuelele mboka wa gandjwa kaapolosi, omahala 34 oga ponokelwa kiikulo muule womwedhi gumwe aguke Kotoba. Ihe otaku hokololwa wo kutya aantu 13,000 mboka ye edhililwa omolwoveta yokangendjo mu S.A oopelesenda 10% dhomuyo uunona wosikola.

Iikando 321 okwa ningwa iipotha maaniilonga muule woomwedhi hamano dhopetameko, nonando ope na oveta yondjindikila yiigongi moshilongo shoka. Paveta ndjoka ngoka a monika ta tsu yakwawo omaminimini, oku na oomvula 10 mondholongo nenge a fute R20 000.

Eti 26.10.1988 olwotango mu SA mwa ningwa chogololo lyaaludhe naatiligane pamwe. Naashoka osha ningwa pondje yehalo lyoshigwana. Oshigwana itashi vulu okuhogolola aaleli yoshilongo manga omwaalu omunene gwaantu yomitse dha yela ye li muupongekwa nenge moondholongo meni lyoshilongo, osho aaludhe taa ti.



Pata Smangaliso Mkhathshwa, Amushanga gwoshigongi shaambisofi yaKatoolika mu SA, okwa pewa omasiku ga zi ko epapa lyedhina Steve Biko kehanganano African Research and Communication Inc. Ogumwe ngoka a hepele moondholongo dha SA ethimbo ele.

Ihe okwa monika aalumentu yomitse omikukutu mboka ihaa yalula uuwanawa woshigwana e taa itula mehogololo ndyoka lya patela yalwe pondje. Ngashingeyi SA ota ka lelwa nelelo ndyoka lya lele muNamibia epangelo lyaatiligane, li li konima yaaludhe.

Okwa ulika oshiholelwa shaZambia ndyoka li na omihoko 72, dhaa uvitathane nando, okuyeleka na Namibia moka a ti omu na ashike omihoko ominene konyala ntano mwa kwatelelwa aatiligane.

## Uukalinawa

Omusamane Nujoma okwa yelitha wo kushika, kutya omutungilo omupe gwepopilo lyuukalinawa woshigwana otagu ka tungwa mbala momikunda adhihe dhoshilongo okuyakula ompumbwe yuunamiti. Nonando otapu ka kala wo epango lyopaumwene, epangelo otali ka sa oshimpwiyu ku kale shili etonatelo lyuunamiti lya gwana.

Okwa gwedha ko kutya oondohotola dha-SWAPO ngaashingeyi ohadhi panga mokati koshigwana itaadhi pula sha, nosho tadhi ka tsikila ngaaka. Shika okwe shi yelitha ngeyi, kutya uuna pe na epangelo lyoshigwana, aanashilonga oya li ye na okufutwa, shoka osha yela. Ihe oondohotola odha li dhi na oku shi taamba, ngele odha hogolola okuyakula oshigwana, Nujoma a ti.

## Omukiintu mepangelo lyaSWAPO

Payamukulo ndyoka lya gandjwa komusamane Gurirab, ongunduleli yaSWAPO (SWAPO Central Committe) oyo ayike yi na aakiintu oyendji muAfrica alihe, nashi kale omoongundukondjelimanguluko nenge moongundu dhopapolitika.

Okwa gwedha ko a ti, aailongi yawo ayehe, oopelesenda 65% dhomuyo aakiintu, osho u ulike nkene epangelo lya SWAPO tali kondjele uthikepamwe wopamaludhi gaantu.

Mepangelo lyaSWAPO, omukiintu kehe ota ka futwa shi thike pamwe nomulumentu gwelongo

## Eopaleko

Moshifo shesiku 30.10.1988 epandja 11, omwa li oshinyolwa shondjokonona yanakusa meme Monika Mululu Nekwaya. Inashi shangwa kuEster Nekwaya ngaashi sha tiwa, ihe okuEster Nakanyala, Nehale Sec School.

Ester Nd. Nakanyala  
Nehale Sec School

tuu ndyoka nokoshilonga tuu shoka. Shoka osha yamukulwa kuPresidende Nujoma.

### Omahupilo

Otaku ka kala mepangelo lyaSWAPO mboka ye na shawo nepangelo otali ka kala wo li na shalyo, osho amushanga gwomayelithilo, omusamane Hidipo Hamutenya a yelitha epulo ndyoka.

Okwa ti emanguluko lyoshilongo otali ka eta po oompito oompe dhomapindikilo. Omikalo dhi ili nodhi ili okukoleka omahupilo nadho otadhi ka kongwa. Ihe omuntu kehe nando oku na she, epangelo otashi vulika li ka gandje omakwatho komahangano gontumba, noshilongo otashi ka egululilwa okuya muukwashilyo womahangano giipindi muuyuni, Amutenja a ti.

Kushika omusamane Gurirab okwa londodha nokutya emanguluko lyoshilongo kashi shi u-dhano. Iilonga oya li yi na okulongwa neitulo-mo, ashike omiyelo otadhi ka kala dha eguluka okuninga oompangela dhethimbo ele nefupi momahupilo goshilongo.

Gurirab okwa kumagidha natango oshilongo shi ilonge okuguma ko kemanguluko lya nwehwa mo ku SA. Epangelo lya SWAPO okuza petameko lela otali ka kondjitha embangoloto lyoshilongo, osho a ti.

### Ofuto yotakisa

Koshitsa shika Hamutenya okwe shi koleke kutya omulandu gwotakisa muNamibia, ochinima tashi halutha omuntu noonkatu dha dhigini-na okukwata moshipala ekunguluko lyopaukaptali ndyoka tali shi eta olya pumbiwa unene.

Shoka shi shi shi okuningwa po, Hamutenja okwa ti osho okweeta po oompito dhiilonga nokukoleka omukanka gwomahupilo

### Aatiligane

Kutya ehala lyomutiligane muNamibia lya mangukuka oli li peni, Amushanga gwomayelithilo Hamutenya okwa ti kutya. Aatiligane omitse dhawo odhu udhithwa nale opropaganda kuyakwawo kutya SWAPO ngele okwe ya koshipundi, itamu ka kala we omutiligane.

Okwa ti etumwalaka lyaSWAPO aluhe olya kala ndyoka, kutya: Aatiligane kaleni muNamibia, kehe gumwe ou na mo ehala, ihe opropaganda ndjoka ya pewa oya tala SWAPO kutya omugwaaleki nemwanka.

### Elongo

Omusamane Hage Geingob okwa yamukula moshinima shelongo kutya elongo nalyo oshinima tashi ka opalekwa mepangelo lya-SWAPO. Omutungilo gwelongo ngoka gu li ponale nuukoloni shoka u lile po ngashingeyi, iinima mbyoka otayi konakonwa.

Gurirab, Amushanga gwiikwapondje, okwa gwedha ko a ti, okwa pumbiwa tangotango omulandu (policy) gwopashigwana.

Oosikola dhopaumwnene nadho otadhi ka kala wo dhi na eha moshigwana, ihe omukalo ngoka oosikola dhimwe dha kala tadhi longo osho oshinima tashi ka opalekwa.

Itaku popilwa nande oosikola dhoohashike shalye mepangelo lya SWAPO, ayehe oye na

## LWF nemanguluko lyaNamibia

Ongongahangano yOvakwaluther aveshe moounyuni (LWF), Hamushangandjai wayo omufita Gunnar Staalsett, okwa tala ehanganano laye li na natango oshinakuwanifwa sha kula mekondjo lemanguluko la-Namibia nokonima edu eshi la mangukuka. Eshi okwe shi popya eshi a aluka kuLusaka shaZambia mohani ya dja ko.


Omufita Staalsett okwa li a kala yo mooshongalele shoukumwe sheehamba nomalenga, ovawiliki voupolotika, ovalongi novanangeshefa vomuNamibia eshi sha li ko 9-10.10.1988 moLusaka. Oshongalele osho osha ifanenenwe kewiliko laSWAPO pondje yoshilongo nOngongahanganano yOvakwaluther oya kwafela okufutula omalweendo noikulya pefimbo alishe lasho.

Pefimbo loshoongalele osho, Hamushanga Staalsett okwa shakena nomupresidende wa-SWAPO, omushamane Sam Nujoma osho yo


nomupresidende waZambia, dr Kenneth Kaunda ou kwa li e va ifana koitelekela. Eshi a shuna kombelewa yaye kuGeneva, Staalsett okwa ninga eindilo lowina kEengeleki mounyuni di hapupalife natango ekwafo lado koprograma yokuyambidida Eengeleki domu-Namibia moshilalakanenwa shado shokudiminafana po kweengudu momayooloko opapolotika.

Oshikondo shomakwafo mOngongahanganano yOvakwaluther osho sha kala sha humbata efiloshisho loshilonga shopambepo meekamba dovafadukipo daSWAPO muAngola naZambia, osho yo oilonga youhaku nouteku meefikola. Omupresidende Nujoma okwa yandja epandulo laye lowina kEhangano eli pefimbo loshoongalele shoukumwe weengudu muNamibia kwa-shishe Ehangano le shi ningila ongudu.

LW No 11/88



Amushangandjai gwa LWF,  
dr. G. Staalsett




Omumbisofi gwa ELCIN, dr K. Dumeni  
oshilyo shEwilikongundu mOngongahanganano yAakwaluther

okusikola shi thike pamwe muNamibia, omusamane Gurirab a ti.

### Etanga lyaakwiita

Etanga lyaakwiita yaSWAPO yaNamibia (Plan) olyo alike tali ka kala omutima gwaakwiita yaNamibia lyamangukuka. Etanga lyaakwiita yaSWA (SWATF) pafatululo lyaHidipo Hamutenya, ndyoka otali ka halakanithwa po thilu.

Iilyo yetanga lyaPlan aakwiita yaSWAPO okwa tiwa mbyoka oyi na ehogololo yo yene, ngele oya hala okushuna moshigwana, nenge otayi tsikile okukala aakwiita yoshilongo.



Omuleli gwaZambia, dr K. Kaunda. Nu-mvo oshigwana she oshe mu hogolola a tsikile natango nelelo oomvula ntano tadhi landula, nonando onkalo yekonomi otayi nayipala



## Omapandulo

Otandi pandula aayakuli yandje moshipangelo shaNandjokwe, mboka ya yakula ndje ethimbo nda li moombete. Otandi pandula mboka ya li taa yakula momukunda gwaalumentu ethimbo nda li mo. Otandi pandula wo oondohotola mbali koshitandelo naayakuli yadho pethimbo nda li ko, sho dha pe ndje ompito ndi ye keilongo nonando inandi aluka.

Tangi komayakulo geni omawanawa. Kalunga ne mu yambeke amuhe.

Angula David Angula  
London

\*\*\*\*\*

Apa ohai pandula oonakutalela nge po pefimbo louyehame, osho yoo ava va findila nge koshipangelo omo nda ka monika kutya ohai vele oudu wongadi ndee hai pangwa. Ohandi indile yoo nefimaneko tu ha efeni okutalela po ovanandu oyo tu va twe omukumo va ha ye meendudu ponhele yokuya koipangelo.

Nomakundilo opamwe nomahaleloyambeke.

Ndapandula Loide Hidengwa  
Okalongo

\*\*\*\*\*

Otatu pandula Tate Kalunga sho e tu hupitha moshiponga shek-ndomo lyoshihauto 20.7.1988 twa li twe chamekwa

nando inatu lemana. Osha ningililwe pokati kOtiwarongo nOtavi. Otwa pandula tate Jesaja Shilongo kEndola, ngoka e tu fala koshipangelo kOtiwarongo. Aapangi noondohotola mOtiwarongo otwe mu pandula. Naamboka mwa kala noku tu dhimbulukwa momagalikano, Kalunga okwe mu uvu. Elago noonkondo nayi mu ziilile kuNampongo.

Peha lyakwetu  
Hileni Nelago Neshuku  
Oshitutuma

\*\*\*\*\*

Otwa pandula Kalunga kesilohenda sho a aludha aanona yetu yane moshipangelo muuwehame uunene wa li we tu limbilike. Otatu mu hambelele. Eps 18:2-7 Eimbilo 426. Otatu pandula wo saapangi mOkambaku nOshakati nomuhingi gwoshihauto shaavu sho mwe tu yakula nawa. Omuwa ne mu gamene ye ne mu gwedhele oonkondo esiku kehe.

Otatu pandula wo tate Panduleni Filippus molwomayakulo goye omawanawa we ge tu ningile pomathimbo gomaudhigu getu, Ngoye mwene negumbo lyoye otatu mu gandja miikaha yaTate Kalunga.


Otatu gandja ombili kumboka twa ningathaneni moohapu nenge miilonga yetu mbyoka twe yi mu longele.

Egumbo lyaAbraham Angala  
Ombalantu



Johannes Th. Kakuli (78) okwa xulifa oweenda 10.10.1988 moKaiti. Okwa fiya ko ovana 3, ovatekululu 10, novatekululu lwa 25. Eimbilo 404.

Ngh. Haludilu  
Keetmanshoop



David N. Ndakalako (40) okwa mana oondjenda 16.9.1988, a dhipagwa koobotsotso mOvenduka. Okwa thigi ko yina naamwayina.

Petrus Shikoyeni  
Windhoek

## NDHINDHILIKA

Ohatu futu 20% koshifo kehe to landithapo nenge oopelesenda 10% komadhina gaaleshi we ga gongela. Ngoka wa hala okuya meyakulo ndika, tuma owala edhina lyoye kOMUKWETU, P/Bag 2013, Ondangwa, 9000, nomwaa lu gwiifo mbyoka wa hala u kale ho landitha.



Omusita Ari Suutarla

## Otashi ti ngiini?

Nandi kwathwe ndi yelithikwe elombwelo hali kala mOmukwetu li li ngeyi, "Landela hano eshiwifo loye onhele mOmukwetu". Kandi uwite ko kutya tashi ti ngiini?

### EYAMUKULO

Ngele ou na shoka wa hala okutseyithila omuntu kehe moshigwana shopaamwene ngaashi okungeshefa nenge okutsamba aalongwa posikola yoye nosho tuu, osho shoka twa dhiladhila.  
Amushanga gwOmukwetu

## Ya galuka keilongo

Dha za kep. 2

kwiilonga kwawo oya talele po omagongalo omilongo nomilongo gomuSoomi niigongi yEhangano lyaakoneki. Oya hokolola nohole onkalo yaNamibia nokukalamwenyo kwaakoneki. Oya li oombilive dhi na omeho kutse. Tse Mongeleki yomuSoomi, otatu ya pandulile Kalunga notwa tegamena ya vule okuyakula nawa aakoneki Aanamibia nomagumbo gaantu aakoneki. Otwi itaala ngeyi:

Ngele aakoneki yoshigwana shaNamibia oye li nawa, otaa vulu okwiikwatha yoyene, Aanamibia otaa ka kala ye na uundjolowele ye vule shito. Pamukalo nguka chalo ewanawa lyaKalunga otali tsakanithwa nawa li vule shito muuyuni waantu wa shitwa kuKalunga.

Ari Suutarla  
Omutoloki: Kaija Pett

## Iinima ohii popiwa ngaa!

Shilombolwa, iinima ohii popiwa ngaa. Omukwetu okwa tsakaneko oyendji, unene mOwambo okuza muNovomba 1, mboka ekuma lyetegameno lyawo lyemanguluko lya dhengwa ohamala e tali halakana po. Aantu mboka oto ya etele ohenda komikalo odhindji.

Lwotango ohenda kuyo sho ya li ya tula ngiika metegameno li vule oonkondo dhawo. Patiyali omolwashoka etegameno lyawo oya li ye li tungile komukanka gwevi. Ngele wa hala okwiitula miinima yopapolitika nenge onkalo ye ku thimike u shi ninge, ino shi ninga nando komukanka hagu inyengithwa kusha, oto mono iihuna.

Ethaneko lyesiku lyaNovomba olya thanekelwe kaantu haa nyengwa nohaa puka. Ihe shoka hasho ashike. Shoka sha geyitha oshigwana, haunene esiku ndyoka lya ponyo, ihe omukalo ngoka sha ningwa. Sigo esiku ndyoka, moshigwana kapwa li nando ngoka a tseyi shoka tashi ningwa po. Oshigwana tuu shoka tashi longekidhilwa etulomiilonga lyokatokolitho, osha holekwa sigo oponkatu yahugunina omalunduluko ngoka ga holoka po.

Shoka itashi talelwa ashike ku SA ngoka ta tsikile nokupula ethimbo lyezemo lyAacuba muAngola. KAanamibia ezemo lyAacuba muAngola kali shi oshiniima shimwe ashike netulomiilonga lyokatokolitho. Mbika iinima ya yooloka notayi vulu okwiikundathanenwa.

Aanamibia oya kala ya tala omeho kombelewa ya UN, kuAmushangandjaji dr Javier Perez de Cuellar, ngoka e na okutuma etanga lyaUNTAG. Sigo Kotoba 30, etanga ndyoka okwe li mona nenge ine li mona? Iimaliwa yoku li longitha muNamibia oya monika nenge inayi monika? Epopyo lyesiku lyaNovomba olya imbwa ku SA nepulo lyAacuba nenge uunyengwi owa zi palwe? Ngele oli imbwa ku SA, opakuvathano lini?

Oraata yaNamibia kligwanahangano oyo ya talwa sigo onena nesimaneko koshigwana shaNamibia omuleli gwopaveta gwaNamibia. Oraata ndjoka oya tseyi tuu mpoka pwa li pe thike etegameno lyoshigwana mesiku ndyoka. Ngele oye shi koneke, inayi dhimbulula nando ompumbwe yokutuma elaka lyomupendu koshigwana oshithiminikwa kushono she shi ningilwa?

Manga aapolitika taa yeleke iinima yawo pamuthika guupolitika, osha pumbiwa ya yeleke iinima nopamuthika wo gwaamboka taa polotikile. Omapulo ga holoka metetekelo ogu ulike mpoka ompumbwe yoshigwana inaayi yamukulwa.

Ondjila yemanguluko lyoshigwana shika otayi lepala notayi lelepekwa konyala ethimbo kehe pamikalo odhindji. Ihe oshigwana oshi na etokolo limwe alike, okweenda nondjila yasho ndjoka tayi fala kemanguluko lyoshili lya walwa mekondjo lyoshigwana shoshene. Ondjila ndjoka oyo tashi ende nonando mu umbilwe iipundukithi yi thike peni.

Sebulon Ekanjo

**KIILYO AYIHE YONGELEKI  
YANAMIBIA**

Nesimaneko enene otatu indile, opo mu ethe omukalo gwokugandja omalovu kuunona wuukolekwa.

Aakuluntu yamwepo oya kala ya ninga omwenyo omwiinayi, sho oyana mboka ya kolekwa ya li ya kolwa sho ya pewa omalovu komagumbo gamwepo. Ngele aakuluntu yaanona ye shi kundathana opo ya wape okuningila oyana oshituthi, pamwe otashi ka kala shoopala kongeleki, nenge kehe okanona naka kale okuza kongeleka ku uka kaandjawa, opo pwaa ha kale we oshinima sha tya ngaaka.

Okukolekwa hakunwa nokukolwa mesiku ndyoka wa yapulilwa oshilonga megongalo, onkene kehe omukuluntu ota wulu okupukulula okanona ke nkene ekoleko tali ti, notali pula shike momuntu ngaashi kombinga yuukriste megongalo lye.

Kehe omukuluntu ota indilwa nesimaneko opo a kale a longekidha okanona ke ehumokomeho monkalamwenyo ongomukriste.

Ehokololo ndika lyomumwoye a kolwa ye ta galangata mondoya nohema ontokele nenge oshuta, oto shi monoko ngiini? Ogwo ngaa omukalo omwaana wa ngono? Ngoye mwene pamwe ou shi shi kutya mokulola ohamu zi uutoye, muutoye omulyo, nena ngele wa uvu uutoye nomulyo gwomalovu otashi ka ninga ondjigilile, nokomeho otashi ka eta shike? Ngoye omukuluntu kwatha omumwoye kaaha pundukile momeya.

Kombinga yaavali ngoye mwene ou shi shi omalovu sho haga lundulula omuntu a fe oshikoko shoka tashi vundagula uyuni auhe, ndele tse i-natu shi pumbwa oyana yetu ya kale ngaaka.

Elongelokumwe lyoye otali simanekwa unene.

Selma Martin

**Dha za kep. 4**

I la ookilometa 20. Ope na etegameno li ka pewe natango iilyo yimwe kOnesi, mUukolonkadhi. Momimvo heyali sho lya thikama po, olya itungile egumbo lyomusita lyOshiwambo. Ngashingeyi olya ipyakidhila nongeleka onene kumwe noshinyanga ndjoka ya tegelela owala okutulwa iipundi yi yapulwe.

Sebulon Ekandjo

**UUKALINAWA  
OSHIPONGA SHOMUKIFI WOFYUUKA**

Omukifi wofyuuka owa fa naana omikifi dimwe doshiponga. Oshiponga eshi ohashi holoka nokuninipala komukalo oo wouhaku inau filwa nawa oshisho, ngaashi ohonde ya londa. Ekwashilipaleko louhaku otali yandjwa komundohotola, noshoyo etambulo lomiti olo la filwa nawa oshisho ngaashi okuhanwa omakaya, nokukaleka omunaudu monghalo i he na oshiponga nonghalo inai kumwa kusha.

**OMUKIFI WOMOITYANAFIYO**

Omukifi wofyuuka oo inau filwa oshisho cedula dihapu ohau ya fiyo omeeto nenyonauko loitiyanafiyo. Okweetapo shimwe ngaashi ohonde ya londa. Eveluk limwe alike lomukifi oo osho nee oitiyanafiyo tai kufwa mo nonghslamwenyo aisho yomunaudu tai kala mekwafo leshina olo tali kala nokuwapalaka olutu koyekelwashi oyo hai wapalekwa koitiyanafiyo (Kidney dialysis)

**OUPOFI**

Omukifi wofyuuka ohau eta oupofi nenyonauko lohonde noinima imwe oyo hai monika meisho, ile omuni yeisho, tai

nyonauka. Eshi ashishe ohashi etwa ngeenge omukifi inau hakulwa nawa.

**EFILOSHISHO LOMUKIFI WOFYUUKA**

Oshiulikifo shimwe osho shi na sha noshiponga sheendelelo ngaashi okukala moshiponga shomukifi wofyuuka (diabetic come) Medic Alert okwa eta po okatenda kokaSilveli oko haka djalwa pokwooko komunauudu wofyuuka. Eshi ohashi ningwa nee kondado i li xwepo oyo nee tai etifa fiyo omunaudu ta kala e li meameno loMedic Alert.

Mefimbo loshiponga, ehakulo lemende/elo otali dulu okuningwa pangodi, opo onghalamwenyo yanakwehama i kale ya xupifwa. Osha fimana kutya nakwehama a kale e na omukalo ou wokuxupifa omwenyo waye. Efooloma delishangifo otadi dulu okumonika komundohotola ile koshipangelo keshe.

Taku twikilwa

**EHIYO EHIYO EHIYO EHIYO EHIYO**

**Aanangeshefa amuhe niilyo ayihe nookuume ka ETAAN, EhanganolyAanangeshefa Aakriste muNaribia, amuhe otamu hiywa koshigongi shaayehe, tashi ka kala ko Olyomakaya, 26.11.1988, mOngwediva yiigongi ya ELCIN.**


**Ethimbo 10 H 00 gwongula.**

**Aalongi moongeshefa naayehe mboka yi itula mo, otaa tegelelwa nenyanyu.**

**Ookuume ka ETAAN amuhe omwa tegelelwa ngaashi shito. Elongelokalunga otali ka tamekitha nokuhulithiha oshigongi.**

**Etseyitho lya zi kuAmushanga gwa ETAAN.**

**Werner Namgongo**



**Pomweelo gwongeleka ompe engathithi lyaakwanegongalo mOshilemba olya pulakena komumbisofi Dumeni sho te li popitha mokuthika kwe megongalo ndyoka. Mokati kalyo omu na uunona mboka we enda ookilometa 20 okuya nokushuna, opo u tale omumbisofi ngele omulumentu nenge omukiintu. Owa zile po wa nyanyukwa mokupopithwa kuye**

**Etseyitho kumboka  
ya li nale aaniilonga  
ya TCL**

**Ombelewa yEhanganolyaaniilonga yoomina (MUN) kOvenduka, otayi tseyithile ayehe mboka ya li mekanka lyomumvo 1987, kutya iimaliwa mbyoka ya li tayi gandjwa ongekathelo, oya pwa po. Otaku ningwa eindilo opo mwaa holoke we kombelewa shi na sha nokutaamba iimaliwa.**

**Ngele pwa holoka ekwatho, nena otamu ka tseyithilwa ishewe.**

**Ben Ulenga  
P. O. Box 1566, Windhoek**



# Ova shangela nge tava ti .....

## Onkalo ya niyipala

Ngaashingeyi moshilongo shetu muka omwa piyagana, nomuntu konyala ota dhimbulukwa e-galikano ethimbo kehe, oshoka olwindji okwa tumbulwa: "Uudhigu ohau eta omuntu popepi na-Kalunga ke," oshinima shoka oshoshili nosha dhimbulukwa wo olwindji koyendji

Onkalo yoshilongo shetu otayi niyipala konyala esiku kehe, nenge ndi tye owili kehe. Oondunge oombwanawa hadhi hololwa po, olwindji ohadhi nena po owala, osho kamwe komuutewo waaholimbili ka tumbula.

Aagundjuka aaholike, tse aagundjuka aakweni otatu mu indile ngeyi. "Mwaa ha kanithe einekelo neitaalo lyeni, li na ondjambi onene." Tu galikani Kalunga Omushiti a lundulule onkalo yeve lyetu opo ombili yi ye wo nomoshilongo shetu. Otatu kundu Aanamibia ayehe noku ya halela omukumo. Omakundo nomahalelo gombili.

## Tuovi naTaimi Nghikembwa Oshikango

## Evundakano mongeleki yaELCIN

Onda hala ndi pule kashona kombinga yepandela. Epulo nandi li ukililithe komitise ominene dhongeleka, oshoka odho ngaa ngiika hadhi gandja omalandulathano noompango momagangalo.

"Epanдела" lyolyene ngele inandi puka otali ti esindano. Ngaashingeyi ano mongeleki yetu ya ELCIN kamu na ano eyooloko pokati ketulukumwe nohangohango? Aantu ayehe mbano oya faathana owala?

Ngele nani "epandela" otali ti esindano, omolwashike naamba taa tulwa kumwe haya tsilike omapandela? Oya sindana nee shike? Napu ningwe eyooloko pokati komukadhona nomumati e na okanona.

Omolwashike okanona komuntu a yona ihaa ka shashwa manga yina inaa kuthilwa nonando okanona kake na ondjo moshinima shika, ne hamu pitika omuntu oye ngono a tsilike ependela nando ye inaa sindana sha?

Ngele omapandela otaga tsilikwa moohango dhomatulokumwe, etheni uunona u shashwe nekuthi-

to nali se. Omuntu ha kuthilwapo manga nokonima yoomwedhi dhontumba epanдела lya tsilikwa. Iinima nayi yoololwe ano haku vundakanekwa.

Hileni N. Uupindi  
Oshakati

## Oshu uka ngaa?

Aavu ngele taa ehama omukithi itaagu vulika okupangwa moshipangelo mOnandjokwe nenge mOshakati, ohaya tuminwa koshipangelo kOkapa nenge kOvenduka noondhila. Ngele ya aluka, ohaya galuka ko natango, ndele itaya futu nando oshimaliwa.

Ngele omuvu okwa yi ko e ta sile ko, omudhimba ngele tagu zi ko kOkapa ohagu futilwa ko. Ngele ino futa omudhimba itagu zi ko. Ohagu futilwa shike ye omuntu okwa sa? Omanga mbo ya aluka haya zi ko inaaya futilwa sha?

Aakwanezimo yanakusa ohaya kala nuudhigu wokufutula ko omudhimba gu ye mOwambo nokulanda oshiketha shanakusa.

Taleni nawa oshinima shoka.

Simmy Jonas naSeven Julius  
Ondangwa

## Ekondjo lyaNamibia nali tsikile

Omasiku sho ga li gaali gaJuni nuumvo moradio ndjoka hayi popi iifundja nokutaandelitha omiito oya tile: "Aanasikola sho itaa yi mootundi otaa tsuwa omaminimini kAanamibia mboka ya gama koSwapo ncyo li mopolotika." Ihe mbika iifundja iiludhe tayi taandele moshigwana shetu.

Popya oshili, ino lundila mboka yaa na ondjo. Ngele oshigwana oshu uvite uudhigu kevi lyawo, aanasikola kaye mo moshigwana nenge moosikola kamu na ekolonyeko ngaandyoka li li moshigwana, oya yooloka? Yo oya za peni ano opo ya ninge aanasikola?

Nani etindo lyaanona okuya mootundi inali ikwatelela kookamba dhomakakunya ndhoka dhi li popepi noosikola? Ookamba dhoombulu noma landwambongo nadhi kale dha za po poosikola.

Tse inatu hala South Africa e li omutumba mo-Namibia, South Africa na ye pamwe nomulandu gwelongo lye tse otwa vulwa. South Afrika za mo muNamibia to imbi tu hume komeho nelongo e-

wanawa nonkalamwenyo yoopala moNamibia. ALUTA CONTINUA. VICTORY IS CERTAIN

S. Linus  
Windhoek

## Ounona nava kwafelwe

Paife ou li nee meumbo leni ukakadona, povakulunhu voye voo kave na nee oilonga, ile pamwe ova kulupa. Ove paife ou na nee kahewa koye omona wahashike shalye. Ohaku ti ngoo eshi omoode tai kondo, ye naye ota djala, ove paife eshi to mu tala a fewa ngaho, naave osho nee wa hala.

Paife oto hovele to ti ohandi i naanaa, ndee eshi hai di oko onda kita ashike. Okudja opo owa fiya po ovakulunhu voye va ti oto i kOkalonga oko haku monika ovalange u tale nge to mono po umwe yee e kupe oshimaliwa. Hashili, utya we lietela nee oufyoona, shaashi wa dja meumbo ino diladila tete, owa ya ashike kouhalu.

Ope na nee vali oshinima eshi, omukulunhu umwe oku na shili eliko (omukengeli) ndee okwa nyengwa okulandela okaana nande osho oshikutu, vati okatekulu ngoo kaye. Oshilonga shako okuteka ashike omeva nokuwapaleka oikutu yaye a ye puwakwao a fewa, manga okaana povanhu taka lengwa okweenda, ke he na eshi taka djala.

Hano ovakulunhu navo itava tekula nawa onunona shaashi ke na nande efiku limwe a kalele tu omutumba tava xungile nounona wavo. Paife ota ti kutya okwe mu kwafela nale manga a li munini, yee paife oku li nokOseko handi mu futile eshi ta fikola. Ita fikola nombili shaashi oku li moudjuu wehepeko loye alushe ota dopa ashike.

Bernadina Nghishekela  
Ponhofi Secondary School

## Aakiintu taa ti aalumentu yetu naa mwe-neke oku tu dhenga

Ngele to ende muuyuni auhe aakulukadhi oya humbata omutenge nguka notaa li taa pi. Oto eta ohenda ngele owa adha aakulukadhi taa hokolola nkene ya dhengwa kaalumentu yawo.

Omaludhi agehe gaalumentu ohaga dhenge aakulukadhi: aayamba nenge oohepele aatiligane nenge aaludhe, aaniilonga nenge kaye na, aalongwa nenge inaa longwa. Aalongi, oondohotola, aasita, aanambelewa, omalenga, aakwaniilwa, oomini-steli, aapresidende ohaya dhenge aakulukadhi yawo.

## Omolwashike aalumentu haya dhenge aakulukadhi yawo?

Aalumentu muuyuni auhe oye na eitaalo ndika kutya yo oya simana ye vule aakiintu noye li nawa. Oye na wo oondunge ye vule aakiintu. Aakiintu aagoya onkene oyo ye na oku ya longiitha iilonga yaSatana noku ya hepitha nokuya dhenga sigo ye ya dhipaga.

Aakiintu oyendji oyi itaala kutya oyo oyowala, onkene ohaa igonyo ngaashi ombwa tayi dhengwa kumwene gwayo nokukwina. Aalumentu ohaya dhenge aakulukadhi yawo omolwiniima mbika tayi landula mpaka.

Ohaye ya dhengele iimaliwa, yamwe ohaa ti oyi ishi uyamba nenge oyi ishi ya longwa. Yamwe oya sila aalumentu yawo efupa, yamwe aakodhi,

Tala kemandja 11

## ETSEYITHO! ETSEYITHO! ETSEYITHO!

Aakwashigwana otamu tseyithilwa kutya po A. B. C. ohapu pangelwa Ooradio nooTV. Kehe gumwe wu na Oradio ya teka, ila putse mpaka.

Alikana endeleda wu ye mpaka, ino etha wu ye mOkrismesa nOradio itaayi longo.

L. Shikongo  
P. O. Box 68  
Ondangwa  
9000

## Oshigongi shuunafalama pOkashana

Olyomakaya 26.11.1988 pofaalama yuunamapya pOkashana, oshinano shookilometa omugoyi (9) okuza pOmuthiyagwiipundi mOndonga, otapu ka ningwa esiku lyaanafalama, pomulongo gwongula.

**NDHINDHILIKA:** Ombuto yomahangu ndjoka kuyo to vulu oku mona ko eteyo nonando kaku na omuloka gwa gwana, otayi ka gandjwa wo esiku ndyoka. Etelela ashike oranda yimwe (R1-00) mombuto yuudhigu wokilograma.

**INO PITILILWA PO KOMPITO NDJOKA**



yamwe omalovu. Yamwe ongele ya zi momagumbo inaa laleka, kutya nee ta ka tale omulilo oku na okulaleka.

Aakulukadhi otaa gandja olupandu kaalumentu mboka ya teya olaikota mokumweneka omadhengo. Moondjokana oya fa owala ye li moParadisa.

**Shatipamba D. Niilo**

**Natu kwathwe**

Aailongi paumwene otac indile nesimaneko opo ya kwathwe omolwOshindonga Std 8 hashi kana sho ohashi tokelwa niizemo ihayi ya mbala, uunene tuu mosentrum W0057. Natango oonomeli dhOshindonga S'd 8, nadho odha tokelwa ihadhi ya mbala.

Momumvo 1986 oonomeli inatu dhi mona nando. Otwa gwayekwa owala omahoka gombwa komilungu anuwa natu nyole noonomeli dhuutse. Iizemo inatu yi mona nando. Momumvo ngu gwa piti 1987 oonomeli odhe ya kwa za esiku limwe lyekonakono. Anuwa omutali gwekonakono e dhi tuula po walyewo ngele odhoshili. Iizemo sho ye ya nuumvo opwe ya owala yimwe, oyindji anuwa ya kana. Uuhethi ano ou li koolye?

Otandi indile nesimaneko enene tu kwathwe moshinima shika, unene tuu tate Namuhuja ngoka e lilepo aailongi paumwene nosho wo aataleli yoshikandjo yoSentrum W0057, ya kale ya sa oshimpwiyu opo twaa hepe ngaaka nokuhepitha iimaliwa to futu owala ngoye itoo mono sha.

**Omwilongi paumwene  
Nd. Amutenya  
Okahao**

**OMIFYUULULWAKALO**

Oshitya OMIFYUULULWAKALO ohashi ningile nge nai. Onda kala handi shi udu mOradio ndele paife ohashi holoka yo nomoifo oyo ya diladililwa okupashula oshiwana.

Pakushiwa kwange malaka letu kamwa li oshitya OMIFYUULULWAKALO. Osha toloukelwa mo

sha kufwa momalaka aavo itava dulu naanaa oku tu ulukila omifyuululwakalo davo, mokukala kwavo kwefiku keshe, omanga va hala oku tu "kwafa" okudiinina detu.

Paetimologi oshitya omifyuululwakalo etoloko loshitya shOshingilisa "tradition", sha dile moshitya shoshilatina "tradere" osho efatululo lasho limwe hali ti okukengelela. (Pefimbo linya eshi ovakriste va li hava kengelelwa kovadiinini vomifyuululwakalo Ovaroma). Ohashi ti yo omikalo da kala hadi longifwa kovakuluvonale. Luhapu omolwaashi pa li pe he na sha shimwe osho tashi dulu okulongifwa.

Moiwana ya putuka omifyuululwakalo ohadi diininwa meengulu haku tiwa eemuseum. Omo nee ovanhu hava ka tala nhumbi aaxukulululwa va li hava kala.

Okukumaida oshiwana shoye shi diinine omifyuululwakalo, otashi dulika shi ninge okukengelela oshiwana shoye noku shi manga fimbo, ikwao

tai tondoka tai i. Ndishi okudiinina omifyuululwakalo otashi ti:

1. Okweenda kolupadi, fimbo vakweni tava ende moituwa nomeedila.

2. Okwiitavela omaulodi nokulowa nokutula oinima i he shiivike, fimbo vakweni ve na omitima da yela nove na ombili novashiinda vavo.

3. Okwiitavelifwa oinima kovanainheya (eendudu nemhule), fimbo vakweni oinima have i yelifa pamaunongononi (pascience).

4. Okufiya omate nokuxuxwila keshe apa wa hange, fimbo vakweni hava pula apa pa ama okandjuwo, nohave liningile oundjuwo vava.

5. Okunyamifila meestalata, fimbo vakweni hava i mondjuwo nomoihautu.

6. Okudjala omalanda a kaka, mbela a ningilwe kOvaindia nokOvambwela, fimbo vakweni va djala oulyenge voshingoli va yela sheshe-sheke.

7. Okunipa odelela mokati koihautu tai ti tai-tai, oku na efimano lashike, ile onghutuva ohai twivike epenge i dule ombulukweva? Onguwu nodelela twala komuseum. Ino lininga omuseum.

8. Okulila nomake momalilo nomomatiti, fimbo vakweni tava lile moyaxa yoporselina i li koitaafula ya yalwa omalapi matoka too-too.

9. Okuxupila nokuxwela okaana koye, fimbo vavakweni tava tunhilwa moipangelo.

10. Okuuhala omutenya aushe ino longa sha, ove to ka nangala mokanduda koihati, fimbo vakweni tave lihepeke noilonga tava tungu eembala davo.

Omusholododo tau dulu okuninga mule. Ame inandi tya oukongo wohamba nau aluke, ashike momufitu omu na ongwwe.

**Paavo Hasheela  
Windhoek**

## RUDOLF BAHM Omupangeli gwootundi MOSHAKATI

**Mpaka otandi tseyithile aayakulwa yetu ayehe, kutya iilonga yokupangela ootundi, okulanditha po oompe nokwoopaleka ndhoka dha teka, okutula ko omakende nuumanya, itatu yi longele we metungo JAMAICA INN.**

**Ngashingeyi otu li mpaka mOshakati metungo lya ENOK (BBK), mpeya hapa kala pwa thikama aluhe omaloli goeiskilima (Roomys). Shika otashi ti elalakano mpaka, oku ku etela eyakulo ndika popepilela, waaha pumbwe we okufala nenge okutuma ootundi dhoye kUushimba.**

**Ohatu landitha wo ootundi oonkulu kondando yi li hwepo, onkene tu talela po ngele to piti pOshakati.**

## ESO

Kuku Laimi Niipindi Angala (80) omuselekadhi gwa kuku Samuel lilonga momukunda Eenkundi, Okando Uukwambi, okwa mana oondjenda 20.8.1988. Okwa thigi ko oyana yatatu naatekulu oyendji.

Laimi Niipindi lilonga

\*\*\*\*\*

Petrus Panduleni Kashululu Kadhikwa (26) okwa mana oondjenda dhe ombaadhillila 6.9.1988. Okwa thigi ko aakuluntu ye naamwayina. Eimbilo 137; 1 Kor 1:18

Nangula Tonata Kadhikwa  
Box 647, Ondangwa

\*\*\*\*\*

Martha Mpingana Nakaleke momukunda Ondonga, Olukonda, okwa nama oondjenda dhe 24.6.1988. Okwa thigi ko oyana yatano, Eimbilo 137

Simon T. Nakaleke  
Onankali

\*\*\*\*\*

Meme Ester Nd. Nantanga (52) megongalo Omulonga okwa mana oondjenda 9.4.1988. Okwa thigi ko omusamane gwe noyana yaali naatekulu yatatu. Eimbilo 455

Filippus Nd. Namawe  
Nehale Secondary School

\*\*\*\*\*

Meeckulu Paula Mukwamhalanga wa-Shapwa Kavela (106) okwa fiya ko ovana 7, ovatekulu 42; ovatekululuwa 36. Omaimbilo 528 na 513

Nashidengo Matrieda Atty  
naNanyeni Saara Diana  
Windhoek

\*\*\*\*\*

Tatekulu Titus Nuuyoma Nangolo (87) mOthika mUukwambi, okwa mana oondjenda 17.9.1988 ombaadhillila. Okwa thigi ko omuselekadhi gwe, oyana 26 naatekulu.

Ruth N. Puma Jonas  
Ongwediva Training College

\*\*\*\*\*

# Ofanditha, Ofanditha, Ofanditha,

Otatu mu hiya nesimaneko enene kofanditha yi li kOnethindi.

Omasiku 20.11.88 sigo 25.12.88. Ila wu italeleko iipumbiwa yoye ayihe oko to yi adha.

Iinima ongaashi;

—Oombete, omatalashe

—Oongaku dhoomeme nodhootate

—Oohema dhoomeme nooshuta wo.

Ayihe mbika oto yi mono kondando ombwanawalela.

Lya enda ongula olyo lya toola ohima.

Yo ontentekeli kayi nwa omeya genono.

Meme, tate, omugundjuka ila wu italeleko shoye.

**NOMAHALELOYAMBEKO GAKRISMESA NOMUMVO OMUPE GU NA ELAGO.**

Onethindi Normal Super Market  
N. P. Jakob

Ondjokonona yakusa Oswin Hidipo Iipinge

Nakusa Oswin Hidipo okwa valwa 10.8.1960. Okwa putukila mOnekola, Ongandjera. Okwa pita oosikola dhe dhopevi sigo a yi kOseko mOkahao. 1980 okwa yi kOseminali yaNgwediva. 1982 okwa piti ongundu onti 10.

Mo 1983 okwe ki ilonga koUniversiti yaFort Hare. Mo 1984 okwa ka tsikila ishewe kuAmerica hoka a zi ko nata-

ngo noDiploma. Mo 1985 okwa taambelwa muulongisikola pOshali, mOngandjera. Kalunga okwe mu pe omukwathi gwe meme Victoria Ndiilokelwa Nehale noya hokana eti 25 Juni 1988. Oya kala naye ethimbo efupi uule womwedhi gumwe netata, nokwa mana oondjenda dhe ombaadhillila moshiponga shoshihauto eti 10.8.1988. Okwa thigi ko okamwayinakadhona, osho wo omukulukadhi gwe.

Emilia Ndagwana Nankelo Iipinge  
Mweshipandeka - College

\*\*\*\*\*

Omasiku 6.7.1988 Kalunga okwa zimbulu kuku Debora Nuunyangongo (107). Okwa thigi ko oyana yane naatekulu 30 naatekulululwa 60.

Anna Kashara  
Okahao

\*\*\*\*\*

Meeckulu Elizabeth Ndeshefwa Haludilu (104) okwa mana oweenda waye 20.8.1988 mefimbo loukulupe. Okwa fiya ko ovana vatatu novatekulu vahapu. Joh 10:14

J. T. Nakale  
Onangoma Ongenga

## YA DHIGININWA NATANGO NENGE YA KANA

Mai 1979 — Festus Nakawa  
31. 5.1979 — John Nakawa  
5. 5.1980 — Toivo Shilongo  
4.10.1980 — Marcelinus Shilongo  
Juni 1979 — Matias Ashipembe  
4.10.1980 — Modestus Ipinge  
18. 9.1978 — Ndeifeka Erastus  
18. 9.1978 — Rufus Amukuhu  
18. 9.1978 — Mutumbulwa Amukuhu  
10. 9.1981 — Kristof I. Shikongo  
19. 1.1981 — Filemon Iikela  
25. 7.1980 — Vilho Mateus Nyambali  
?? 9.1980 — Simeon N. Angula  
?? 7.1988 — Hosea Heita  
21.1.1977 - Kaleb Paulus Shikale

9. 4.9.1985 — Markus Paulus  
28.11.1986 — Ruben Edmund  
Kotoba 1987 — Tomas Iipito  
8.10.1987 — Mateus Handjaba  
3.12.1987 — Shipandeni Mupolo  
22.7.1987 — Mateus Mudjanima  
7.10.1987 — Jason Angula  
17.3.1987 — Natanael Shikongo  
27.11.1980 — Andreas Kashikola  
27.11.1980 — Teofilus Mateus  
27.11.1980 — Mateus Jesaja  
29.6.1985 — Amutenja J. Ashipala  
3.7.1987 — Abner Shikesho  
22.7.1987 — Stefanus Nghifikwa  
19.1.1988 — Daniel Israel  
20.1.1988 — Natanael Ndatyapo  
20.4.1988 — Erasmus Hendjala  
20.4.1988 — Frans Hango  
14.1.1988 — Gideon Kampulu  
19.1.1988 — N.S.Ndatipo  
19.1.1988 — Daniel I. Namwandi  
20.1.1988 — Delfine Abraham  
21.1.1988 — Natanael Stefanus  
17.12.1987 — Hafeni Philippus (Hamunyela)  
19.1.1988 — Johannes Nekongo  
20.1.1988 — Salom Uusiku  
9.4.1988 — Johannes Kawelekana (Komeya)  
2.1987 — Silas (amule) Kandenge  
Januali 88 — Lukas Matongo  
17.12.1987 — Josef Dumeni  
19.06.1979 — Simeon Nehoya

Ndhindhilika: Ngoka wa tseya gumwe gwaantu mbaka, kutya okwa manguluka, onawa u tseyithile ombelewa yOmukwetu mbala. Tangi kekawatho.

## OMUKWETU

Oye oshifo shOngeleki Onkwaevangeli paLuther yomu SWA/NAMIBIA.

Ohashi nyanyangidhwa mOshinyanyangidhwa shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa 9000, N A M I B I A.

ELOC PRINTING PRESS  
PRIVATE BAG 2013, TEL. (06762) 11, TELEX 56-3257 WK  
SWA/NAMIBIA

